

忻州志卷二

知州竇容遂編輯

祀典

文廟祀

至聖先師孔子

四配

復聖顏子

名淵字子淵魯人

宗聖曾子

名參字子輿魯人

述聖子思子

名伋字子思伯魚子

亞聖孟子

名軻字子輿鄒人

十二哲

先賢閔子

名損字子騫魯人

先賢冉子

名雍字仲弓魯人

忻州志

卷二 祀典

一

先賢端木子

名賜字子貢衛人

先賢仲子

名由字子路卞人

先賢卜子

名商字子夏衛人

先賢有子

名若字子若魯人

先賢冉子

名耕字伯牛魯人

先賢宰子

名予字子我魯人

先賢冉子

名求字子有魯人

先賢言子

名偃字子游吳人

先賢顓孫子

名師字子張陳人

先賢朱子

名熹字元晦婺源人

東廡六十一位

先賢蘧瑗

字伯玉衛人

先賢澹臺滅明

字子羽魯人

先賢原憲

字子思魯人

先賢南宮适

字子容魯人

先賢商瞿

字子木魯人

先賢漆雕開

字子若魯人

先賢司馬耕

字伯牛宋人

先賢巫馬施

字子期陳人

先賢顏辛  
魯字子抑

先賢曹卹  
蔡字子循

先賢公孫龍  
楚字子石

先賢秦商  
魯字子丕

先賢顏高  
魯字子驕

先賢壤駟赤  
秦字子從

先賢石作蜀  
秦字子明

先賢夏公首  
魯字子乘

先賢后處  
齊字子里

先賢奚容蒧  
魯字子皙

先賢顏祖  
魯字襄

先賢句井疆  
衛字子疆

先賢秦祖  
秦字子南

先賢縣成  
魯字子祺

先賢公祖句茲  
魯字子之

先賢燕伋  
秦字子思

先賢樂欬  
秦字子聲

先賢狄黑  
衛字皙之

先賢孔忠  
兄字伯皮之子

先賢公西蒧  
魯字子尚

忻州志

卷二 祀典

二

先賢顏之僕  
魯字子叔

先賢施之常  
魯字子常

先賢申枏  
魯字子周

先賢左邱明  
中都人

先賢秦冉  
字開復

先賢牧皮  
增祀

先賢公都子  
孟字子弟

先賢公孫丑  
孟字子弟

先賢張載  
字子厚

先賢程頤  
字正叔

先儒公羊高  
齊人

先儒孔安國  
夫子孫

先儒毛萇  
趙人

先儒高堂生  
魯人

先儒鄭康成  
高密人

先儒諸葛亮  
瑯琊人

先儒王通  
字仲淹

先儒司馬光  
字君實

先儒歐陽脩  
字永叔

先儒胡安國  
字康侯

先儒尹焯 字陽人 彦明 洛陽人 增祀

先儒呂祖謙 字伯恭 金華人 謚忠亮

先儒蔡沉 字人謚仲默 建陽人 謚文正

先儒陸九淵 字子靜 金谿人 謚文安

先儒陳淳 字溪人 安卿 龍溪人 增祀

先儒魏了翁 字華甫 邛州人 增祀

先儒王栢 字華齋 金華人 增祀

先儒許衡 字仲平 河内人 謚文正

先儒許謙 號白雲 金華人 增祀

先儒王守仁 字伯安 餘姚人 謚文成

先儒薛瑄 字德温 河津人 謚文清

先儒羅欽順 字允昇 泰和人 增祀

先儒陸隴其 號稼書 平湖人 增祀

西廡六十二位

先賢林放 魯人 復祀

先賢宓不齊 字子賤 魯人

先賢公冶長 字子長 魯人

先賢公皙哀 字季沉 齊人

忻州志

卷二 祀典

三

先賢高柴 字子羔 齊人

先賢樊須 字子遲 魯人

先賢商澤 字子秀 魯人

先賢梁鱣 字子魚 齊人

先賢冉孺 字子魯 魯人

先賢伯虔 字子析 魯人

先賢冉季 字子產 魯人

先賢漆雕徒父 字子有 魯人

先賢漆雕哆 字子斂 魯人

先賢公西赤 字子華 魯人

先賢任不齊 字子選 楚人

先賢公良孺 字子正 陳人

先賢公肩定 字子仲 魯人

先賢鄒單 字子家 魯人

先賢宰父黑 字子索 魯人

先賢榮旂 字子旂 魯人

先賢左人郢 字子行 魯人

先賢鄭國 字家語 薛邦人 謚魯人

先賢原亢 字子杭 魯人

先賢廉潔 字庸 魯人

先賢叔仲會 字子期魯人

先賢公西輿如 字子尚魯人

先賢邽巽 字子歛魯人

先賢陳亢 字子禽陳人

先賢琴張 一名牢衛人

先賢步叔乘 字子車齊人

先賢秦非 字子之魯人

先賢顏噲 字子聲魯人

先賢顏何 字冉魯人復祀

先賢縣亶 復祀

先賢樂正克 字孟弟增祀

先賢萬章 字孟弟增祀

先賢周敦頤 字茂叔道州人謚元公

先賢程顥 字伯淳河南人謚純公

先賢邵雍 字堯夫河南人謚康節

先儒穀梁赤 字元始魯人

先儒伏勝 字子賤濟南人

先儒后蒼 字近君東海人

先儒董仲舒 廣州人

先儒杜子春 河南緱氏人

忻州志

卷二 祀典

四

先儒范甯 字武子鄆陵人

先儒韓愈 字退之鄧州人謚文公

先儒范仲淹 字希文吳縣人謚文正

先儒胡瑗 字翼之海陵人謚文昭

先儒楊時 字中立將樂人

先儒羅從彥 字仲素南劍人謚文質

先儒李侗 字愿中延平人謚文靖

先儒張栻 字敬夫綿竹人謚宣公

先儒黃幹 字直卿閩人

先儒真德秀 字希元浦城人謚文忠

先儒何基 字華金華人

先儒趙復 德安人

先儒金履祥 字吉夫蘭陵人

先儒陳皓 字可大南康人

先儒吳澄 字清臨川人幼增祀

先儒陳獻章 字公甫新會人

先儒胡居仁 字淑心餘干人

先儒蔡清 字介夫晉江人增祀

崇聖祠

肇聖王孔氏 名木金父自宋 遷魯始姓孔

裕聖王孔氏 名祈父 孔子高祖

貽聖王孔氏 名防叔 孔子曾祖

昌聖王孔氏 名伯夏 孔子祖

啓聖王孔氏 名叔梁紇世爲 魯人誕生至聖

配位

先賢顏氏 名無繇字路 顏子回之父

先賢曾氏 名點字子皙 曾子參之父

先賢孔氏 名鯉字伯魚子 思子伋之父

先賢孟孫氏 名激字公宜 孟子軻之父

東西從祀五位

先儒周氏 名輔成周子 惇頤之父

先儒程氏 名珦二程子 顥頤之父

忻州志

卷二 祀典

五

先儒張氏 名迪張子 載之父

先儒朱氏 名松朱子 熹之父

先儒蔡氏 名元定蔡子 沉之父

以上每歲春秋俱隨上丁日致祭

文昌祠 在西岡舊文廟側

魁星閣 舊在西門後改建城上東南

名宦祠 在戟門外之左

鄉賢祠 在戟門外之右

忠義祠

節孝祠

以上諸祠每歲俱隨丁祭日致祭

壇壝

先農壇在治北門外雍正五年知州姚世璠承建壇高二尺一寸長寬各二丈五尺四面用石砌壇北建造正房三間東西配房各一間門樓一座週圍繚以墻垣內藉田四畝八分每年所收穀石除供祭祀外存剩若干變價若干申報查核

每歲仲春月亥日候 部頒吉期舉祀各官俱穿朝服祭 先農之神禮畢各官換蟒袍補服正印官秉耒佐貳執青箱播種耆老一人牽牛農夫二人扶犁俱照九卿之例九推九返農夫終畝耕畢各官穿朝服耆老

忻州志

卷二

祀典

六

農夫望

闕謝

恩行三跪九叩頭禮

社稷壇在治北郭外西歷年久遠規制未備雍正十年知州劉澤民遵照 部式承建東西二丈五尺南北二丈五尺高三尺四圍用條磚砌齊壇係方磚鋪平四面砌陛各三級四面各開墻門用油紅漆製主石一座長二尺五寸方一尺埋於壇南正中去壇二尺五寸只露圓尖餘埋土中神牌二座以木爲之高二尺四寸寬六寸座高五寸寬九寸五分朱漆青字填寫州社之神州稷

之神臨祭設於壇上祭畢藏之向無樹木容候栽種  
風雲雷雨山川城隍壇在治南郭外西雍正十年知州劉  
澤民遵照 部式承建與社稷壇同惟神牌三位填寫  
風雲雷雨之神境內山川之神本州城隍之神以上二  
壇每歲春秋二仲月上戊日舉祭

常雩禮乾隆七年十一月內禮部議覆臺臣條奏祈雨事  
宜一摺等因查古者雩祭爲百穀祈膏雨自應崇祀界  
內 山川與興雲雨者並合祀 社稷 先農以祈穀  
實方於義允協至禋祭城門則書城門之神字櫟其孟  
夏擇日行常雩禮遵照欽天監選擇日期致齋三日以

忻州志

卷二 祀典

七

重祀典可也通行遵照在案

郡厲壇

在北郭外東每清明日七月十五日十月初一日  
三次祭無祀鬼神於本城之北郊用豬羊飯米香  
燭酒紙隨用祭時祭告  
城隍之神

城隍廟

治西明洪武三年改建封靈佑侯碑存

烈士廟

治西北三里明嘉靖二年僉事李公濂命建祀趙  
盾 韓厥 程嬰 杵臼 鉏 靈 輒 提 彌明 七人有碑贊  
每歲春秋隨  
上戊日致祭

好魴神廟

治西三十里土陵橋卽所謂八蜡神也每歲四  
月八日致祭

關帝廟

治西南明嘉靖三十三年重脩

順治元年定五月十三日祭

關帝之神九年

勅封忠義神武關聖大帝

雍正三年

勅封 關帝三代公爵

曾祖光昭公

祖裕昌公

父成忠公製造神牌供奉後殿除五月致祭外春秋二

次致祭

頒發祭文

雩祭祭文

維乾隆某年月日某官某致祭於

忻州志

卷二 祀典

八

社

稷

先農

山川之神曰恭膺

詔命撫育羣黎仰體

彤廷保赤之誠勤農勸稼俯惟部屋資生之本力穡服田

令甲爰頒肅舉祈年之典惟寅將事用申守土之忱

黍稷維馨尙冀明昭之受賜來牟率育庶俾豐裕於

蓋藏尙 饗

禋祭祭文

維乾隆某年月日某官某致祭於

城門之神曰

詔命臨民職司守土惟兆人之攸賴並藉

神功奠四序之常調羣蒙福蔭必使雨暘應候爰占物

阜而民安庠其寒燠咸宜共慶時和而歲稔仰靈樞

之默運聿集嘉祥襄元化以流形俾無菑害尚 饗

風雲雷雨山川城隍祭文

維乾隆某年月日某官某致祭於

風雲雷雨

山川

忻州志

卷二 祀典

九

城隍之神曰維

神贊襄天澤福佑蒼黎佐靈化以流形生成永賴乘氣

機而鼓盪溫肅攸宜磅礴高深長保安貞之吉憑依

鞏固實資捍禦之功幸民俗之殷盈仰

神明之庇護恭脩歲祀正值良辰敬潔豆邊祗陳牲幣

尚 饗

社稷壇祭文

維乾隆某年月日某官某致祭於

社

稷之神曰維

神奠安九土粒食萬邦分五色以表封圻 三農而蕃  
稼穡恭承守土肅展明禋時屆仲秋春敬脩祀典庶芘  
芄松栢鞏磐石於無疆翼翼黍苗佐神倉於不匱尙  
饗

先農壇祭文

維乾隆某年月日某官某致祭於

先農之神曰維

神肇興稼穡粒我烝民頌思文之德克配彼天念率育  
之功常陳時夏茲當東作咸服西疇洪惟

九五之尊歲舉

忻州志

卷二 祀典

十

三推之典恭膺守土敢忘勞民謹奉爨章聿脩祀事惟愿  
五風十雨嘉祥恆沐於

神庥庶幾九穗雙岐上瑞頻書於大有尙 饗

龍神祭文

維乾隆某年月日某官某致祭於

龍神曰維

神德洋寰海澤潤蒼生允襄水土之平經流順軌廣濟  
泉源之用膏雨及時績奏安瀾占大川之利涉功資  
育物欣庶類之蕃昌仰藉

神庥宜隆報享謹遵祀典式協良辰敬布几筵肅陳牲

幣尙 饗

孔子先代五王祭文

維乾隆某年月日某官某致祭於

肇聖王

裕聖王

詔聖王

昌聖王

啟聖王曰維

王奕葉鍾祥光開聖緒盛德之後積久彌昌凡聲教所

覃敷率循源而溯本宜肅明禋之典用申守土之忱

忻州志

卷二 祀典

十一

茲屆仲春秋 聿脩祀事配以

先賢顏氏

先賢曾氏

先賢孔氏

先賢孟孫氏尙 饗

關帝先代三公祭文

維乾隆某年月日某官某致祭於

關帝之

曾祖光昭公

祖裕昌公

父成忠公曰維

公世澤貽庥靈源積慶德能昌後篤生神武之英善則  
歸親宜享尊崇之報列上公之封爵

錫命優隆合三世以肇禋典章明備恭逢諏吉祇事薦

馨尚 饗

文廟祭文

維乾隆某年月日某官某致祭於

至聖先師孔子曰維

先師德隆千聖道冠百王揭日月以常行自生民所未有

屬文教昌明之會正禮和樂節之時辟雍鐘鼓咸格

忻州志

卷二

祀典

十二

薦於馨香泮水膠庠益致嚴於籩豆茲當春秋仲祇率

爨章肅展微忱聿將祀典以

復聖顏子

宗聖曾子

述聖子思子

亞聖孟子配尚 饗

關帝祭文

維乾隆某年月日某官某致祭於

忠義神武關聖大帝曰維

帝浩氣凌霄丹心貫日扶正統而彰信義威震九州完

大節以篤忠貞名高三國

神明如在徧祠宇於寰區靈應丕昭薦馨香於歷代屢  
徵異蹟顯佑羣生恭值嘉辰遵行祀典筵陳籩豆几  
奠牲醪尙 饗

賢良祠祭文

維乾隆某年月日某官某致祭於

賢良之靈曰維

靈文武憲邦公忠體國當

皇朝之肇造心膂攸同值

列聖之丕承股肱作輔明良令德奮庸而庶績咸熙中外

忻州志

卷二

祀典

十三

宣猷敷澤而兆民永賴洵屬廟廊之碩望允宜俎豆  
以明裡考績紀勲崇報昭垂於令典陳牲奠幣馨香  
祇薦於歲時尚 饗

忠義孝弟祠祭文

維乾隆某年月日某官某致祭於

忠義孝弟之靈曰維

靈稟賦貞純躬行篤實忠誠奮發貫金石而不渝義問  
宜昭表鄉閭而共式祇事懋彝倫之大性摯莪蒿克  
恭念天顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳尊簋來格几

筵尚 饗

節孝祠祭文

維乾隆某年月日某官某致祭於

節孝之靈曰維

靈純心皎潔令德柔嘉矢志完貞全閨中之亮節竭誠  
致敬彰閨內之芳型茹冰蘖而彌堅清操自勵奉盤  
匱而匪懈篤孝傳徽

尚 饗

絲綸特沛乎殊恩祠宇昭垂於令典祇循歲祀式薦尊醪

忻州志

卷二 祀典

十四

學校

忻州儒學在州治西北舊在治西南九龍上後晉天福二  
年建金天德大定間知州傅慎微繼脩元皇慶間知州  
白朝列又脩明洪武三年知州鍾有諒宣德天順間學  
正楊瓏知州夏至明次第繕葺成化間知州劉清重脩  
陳璧記弘治五年知州王軒徙建今所規模弘敞視舊  
有加徐溥李東陽胥有記東陽記曰王侯重煩民不欲  
有所徵適發地得藏錢十萬曰此可以供役矣物計而  
工給之沛然有餘嘉靖十一年知州韓希顏增脩十八  
年學正徐宗堯闢學門設射圃建講堂黨承志記萬曆

忻州志

卷二 學校

十五

崇禎間知州楊維嶽丁元模重脩

國朝康熙十六年知州柯弼倡脩二十七年知州金玉相  
五十八年署州牧蔡夢奇繼脩

射圃在明倫堂東

學田四十畝零按元明時歷有九十餘畝明季之亂有  
紊界受侵者大半隱佔無考今止存地四十餘畝所入  
籽粒除辦課爲諸生歲考試卷之費

舊額

歲科每試入學十五名雍正二年經巡撫諾 條奏文  
盛之區忻居其一加增入學額五名自是歲科兩考俱

入學二十名武生入學亦二十名

廩膳生員三十名四歲貢其三

增廣生員三十名

附學生員無定額

武生無定額

順治 年禮部題奉

欽依刊立臥碑曉諭生員

朝廷建立學校選取生員免其丁徭厚其廩膳設學院學道學官以教之各衙門官以禮相待全要養成賢才以供

忻州志

卷二 學校

十六

朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有爲非者子既讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須互相講究凡利國愛民之事更宜畱心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人

之事者徃徃自殺其身當宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切已之事止許家人代告不許干與人詞訟他人亦不許牽生員作証

一生員學當尊敬先生若講究皆須誠心聽受如有未明從容再問毋妄行辯難爲師者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

忻州志

卷二

學校

十七

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

康熙四十一年六月十二日

御製訓飭士子文

國家建立學校原以興行教化作育人才典至渥也朕臨御以來隆重師儒加意庠序近復慎簡學使釐剔弊端務期風教脩明賢才蔚起庶幾樸棫作人之意乃比年士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及

文學學術事功源委有叙爾諸生幼聞庭訓長列宮墻  
朝夕誦讀寧無講究必也躬脩實踐砥礪廉隅敦孝弟  
以事親秉忠貞以立志窮經考業勿褻荒誕之談取友  
親師悉化驕盈之氣文章歸於醇雅毋事浮華軌度式  
於規繩最防蕩軼子衿挑達自昔取譏苟行止有虧雖  
讀書何益若夫宅心弗淑行已多愆或蜚語流言脅制  
官長或隱糧包訟出入公門或唆撥姦猾欺孤凌弱或  
招呼朋類結社要盟乃如之人名教不容鄉黨勿齒縱  
倖脫褫朴濫竊章縫返之於衷寧無愧乎况乎鄉會科  
名乃掄才大典關係尤鉅士子果有真才實學何患困

不逢年顧乃標榜虛名暗通聲氣夤緣詭遇罔顧身家  
又或改竄鄉貫希圖進取囂凌騰沸網利營私種種弊  
端深可痛恨且夫士子出身之始尤貴以正若厥初拜  
獻便已作奸犯科則異時敗檢踰閑何所不至又安望  
其秉公持正爲國家宣猷樹績膺後先䟽附之選哉朕  
用嘉惠爾等故不禁反復惓惓茲訓言頒到爾等務共  
體朕心恪遵明訓一切痛加改省爭自濯磨積行勤學  
以圖上進國家三年登造束帛弓旌不特爾身有榮卽  
爾祖父亦增光寵矣逢時得志寧俟他求哉若仍視爲  
具文玩愒勿儆躍冶毀方暴棄自甘則是爾等冥頑無

知終不能率教也既負栽培復干咎戾王章具在朕不能爲爾等寬矣自茲以往內而國學外而直省鄉校凡學臣師長皆有司鐸之責並宜傳集諸生多方董勸以副朕懷否則職業勿脩咎亦難逭勿謂朕言之不預也爾多士尙敬聽之哉

欽頒藏書

聖諭廣訓一本

上諭二十四本

訓飭士子文一本

學政全書一本

忻州志

卷二

學校

十九

駁呂留良四書講義三十二本

大清律一部二十本

十三經共十二套一百二十本

二十一史五十套五百本

御纂周易折中一部十二本

御纂書經一部二十四本

御纂詩經一部二十四本

御纂春秋一部二十四本

性理一部五本

朱子全書一部十二本

日講四書解義一部十二本

康熙字典一部四十本

明史一部一百一十二本

欽定四書文二十本

乾隆十一年四月內復發

御纂周易折中二部共二十四本

御纂書經二部共四十八本

御纂詩經二部共四十八本

御纂春秋二部共四十八本

性理二部共十本

忻州志

卷二 學校

二十

以上俱貯尊經閣

附錄

知州竇容遂爲酌定學規以端士習事照得諸生既已身列宮墻便是繫籍聖賢不審進爲之序則易至於躡等不圖深造之功則必流於怠棄故欲探聖賢之妙蘊務先立一定之規條茲倣朱子白鹿洞規約列爲居敬窮理力行制事接物五者皆述聖賢之言以標其大綱學者能守此而施之於人倫之間其於古聖敬敷五教之旨庶乎其無所失矣然又慮平日有未加克治之功者不可不先使身心收於法度之

中耳目範於規矩之內故又就朱子增損呂氏鄉約  
變通而增減之總列勸善規過若干條叅以近今之  
易行酌乎日用之罔越亦曰由此而之焉則士行檢  
束士氣激厲然後理道之精微學問之純全可漸幾  
無難也謹述舊聞備列條件與多士共相砥勵焉爲  
此特示

學規條件

脩己以敬

兼內外動靜

戰戰兢兢如臨深淵如履薄冰

敬之存於內者

君子所貴乎道者三動容貌斯遠暴慢矣正顏色斯近

忻州志

卷二

學校

二十一

信矣出辭氣斯遠鄙倍矣

敬之肅於外者

戒慎乎其所不睹恐懼乎其所不聞

敬之凜於靜者

出門如見大賓使民如承大祭

敬之飭於動者

右居敬

君子博學於文

窮理

約之以禮

力行

君子學以聚之問以辨之

窮理

寬以居之仁以行之

力行

博學而篤志切問而近思

窮理

敏於事而慎於言先難而後獲

力行

君子以朋友講習

窮理

君子必慎其獨

力行

右窮理力行

君子之於天下也無適也無莫也義之與比制事之大概

君子義以為質禮以行之孫以出之信以成之制事之精詳

右制事

君子以哀多益寡稱物平施謙以處衆

所惡於上毋以使下所惡於下毋以事上所惡於前毋

以先後所惡於後毋以從前所惡於右毋以交於左所

惡於左毋以交於右恕以及人

恭則不侮寬則得衆信則人任焉敏則有功惠則足以

使人因人考已之得可取以自驗

有人於此其待我以橫逆則君子必自反也我必不仁

必無禮也此物奚宜至哉其自反而仁矣自反而有禮

矣其橫逆由是也君子必自反也我必不忠因人考已之失可取

勉以自

右接物

勸善條件

一曰見善必行

一曰聞過必改

一曰能擇交遊

一曰能守廉介

右治身之善

一曰能事父兄

一曰能教子弟

一曰能御家衆

一曰能理家務

右治家之善

一曰能事長上

如造請拜揖請召迎送慶吊贈遺各致敬盡禮者是

一曰能睦族親

一曰能恤孤寡

一曰能周貧乏

忻州志

卷二 學校

二十三

一曰能受寄託

一曰能救患難

一曰能解鬪爭

一曰能集事務

一曰能導人爲善

一曰能規人過失

右處鄉之善

一曰能躬行聖道

一曰能讀小學

一曰能讀孝經

一曰能讀五經

一曰能潛玩程朱書

一曰能博觀性理及通鑑綱目等書

一曰能兼習書法

一曰能居官舉職

一曰能屏絕邪教

右服教之善

一曰畏敬官長

一曰能肅政教

一曰早完租賦

忻州志

卷二 學校

一曰恥入公門

右畏法之善

規過條件

一曰酗酒鬪訟

鬪謂縱酒喧競博謂賭博財物鬪謂鬪毆罵詈訟謂告人罪惡意在害人誣賴爭訴得已而不已若事干負累及為人侵損而訴之者非

一曰行止踰違

踰禮違法衆惡皆是

一曰行不恭遜

侮慢齒德者持人長短者恃強凌人者知過不改聞諫愈甚者

一曰言不忠信

或為人謀事陷人於惡或與人要約退即背之或妄說事端熒惑衆聽者

一曰造言誣毀

誣人過惡以無為文書及發揚人之私非或作嘲咏匿名文書及發揚人之私

喜談無狀可求及

一曰營私太甚

與人交易傷於培克者專務進取不恤餘事者無事而好千求假借者受人寄託而有所欺者欺隱田地及攬納稅糧者

右犯義之過

一曰泊身不能見善必行云

一曰治家不能事父兄云

一曰處鄉不能事長上云

一曰服教不能躬行聖道云

一曰服法不能敬畏官長云

右犯約之過

一曰交非其人所交不限士庶但兇惡及游惰無行衆所不齒者而朝夕與之游處則爲交非

其人若不得已而暫往還者非

一曰遊戲怠惰遊謂無故出入及謁見人止務閒適者戲謂遊笑無度及意在侵侮者怠惰謂

不務事業及家事不治門庭不潔者

一曰動作無儀謂進退太踈野及不恭者不當言而言及當言而不言者衣冠全不完整有不及

衣冠而入街市者

一曰臨事不恪主事廢忘期會後時臨事怠惰者

一曰用度不節謂不計有無過爲多費者不能安貧非道營求者

右不脩之過

知州竇容邃爲闡明學旨以勵士脩事照得學校爲

風化之原士子居四民之首士行不端率因講習之

功踈居業未純必致考証之無據試思理本固有非假諸他人事屬分內何待於外索披覽詩書所稱傳人孰非念天地生我之故重君親成我之恩體聖賢教我之實乎今與諸生講說不原天地生我之故不知立天地之大本不明君親成我之恩不知盡天地之大倫不舉聖賢教我之實不肯肩古今之重任茲故謹述舊聞共訂學旨期與諸生正其趨堅其守鼓其力成其詣以無負本州企望之意焉

原天地生我之故謂何乾父坤母稱爲兩大人人生天地並號三才忘吾身所自來失萬物之皆備冥焉罔覺悍

焉不顧豈知上知下愚雖大相懸絕其實皆爲天地所生之人則皆具天地所賦之理理者何性是也性者何仁義禮智是也維天之命於穆不已是天地之所以生人而卽人所得於天地以生之常性也自人昧此理則戕賊其性者多矣知者詭於空虛而厭棄庸近愚者沉於昏冥而自戾倫常賢者好用穿鑿喻利而不喻義不肖者難策怠棄懷土而弗懷德種種病痛於本性之體牴牾殆盡誰其拯陷溺而出之乎今須識得天地生我之故方知人性之善處卽人類之所以不絕處人之與禽獸異者豈在多乎哉自太極動靜生陰陽物之成象

成形者莫不各具一太極惟人得其秀而最靈爲能明善以復其性而答天地生我之意焉察識而擴充之不重有望於今日哉

明君親成我之恩如何踐土食毛天澤之分莫可踰越我怙我恃毛裏之依篤自性生君親之倫天地之大分聖賢之大業也此中植立不定人品學術俱不堪道德名勲猷安所從生况庠序育材爵祿厚土原欲偕道德之儒共勦治平而父母之厚望自幼而成童弱冠以至壯有室彊而仕其驅之以詩書策之以師友期之以遠大者總欲聖賢其子爲天地間垂不朽是君親之成我

者至惡也君親之成我者惡我之自成顧可緩與生人之大倫有五父子之親君臣之義實爲首重忠之道不講必苟且於服官之年孝之道不盡已薄植於門內之地此二端欠缺更何問夫婦之別長幼之序朋友之信乎試思置身綱常名教中返而自問不無愧怍難慊之隱是名雖爲人其實與草木何以異哉若窺見君親成我之恩同天罔極不可一朝辜負則其勉勉於道德者自無時可已近而家庭夫婦之無別非孝也兄弟之不和非孝也則求盡乎孝者弗能已矣遠而堂陞事長之不順非忠也陞民之不敬非忠也則求盡乎忠者弗能

已矣統上下內外間一以忠孝勵其大節覺如此則爲人不如如此則非人循此則身有安頓處不循此則身無安頓處如是卽欲稍虧君親成我之恩而以菲薄自甘不可得也諸生各宜警醒早求樹立慎勿朝榮夕萎聽推落於人世哉

舉聖賢教我之實若何天地之所以爲天地顯仁藏用不踰一中聖人之所以爲聖人明德新民無過執中自堯舜以精一相授歷禹湯文武周公至孔子以博約爲教傳顏曾思孟逮周程張朱此聖學之正派萬世之標的也夫天地聖人之中寄於六經賴孔子刪定贊脩之

功人始不敢有非聖之書天地聖人之中寄於六經及四書得朱子表章發明之力人方不至蹈侮聖之愆由其道者至則聖不及則賢次亦不失於令名外此而爲說則邪說矣離此而爲行則詖行矣學者用力斯道不可不慎也孔子論誠之之功曰博學之審問之慎思之明辨之此所謂博學之教卽虞廷惟精之訓也曰篤行之此所謂約禮之教卽虞廷惟一之訓也朱子遵孔子大學之教以窮理爲始事先之以知也以誠意爲緊關繼之以行也知行並進薪傳在茲此聖賢之所以教我者也誠知聖賢之教我者在此我之服聖賢之教者亦

在此虛心平氣隨誦詩讀書應事接物間精察義理而  
力行以求至焉其於吾性自有之中庶乎其無所失矣  
然不明先後之序鮮有不乖乎道者故欲誠意不可不  
先窮理蓋理有未明誤認天理作人欲人欲作天理雖  
欲誠意有不可得而誠者矣如何不以窮理爲第一事  
理既窮又不可以不誠意明知善之當爲惡之當去而  
不實用其力以爲善去惡則是自欺之小人與不服聖  
教者等如何不於心之所發者加謹愆透此兩關下面  
正心脩身齊家治國平天下工夫節節做去不凌躐不  
漏遺最容易措手久之見理明確制行篤實剛大直養

之氣慎密常斂之心強毅不息之守圓神不滯之德錯  
施迭運可使吾之中體悉合而萬事萬物各得其理於  
聖賢教我者不其無負矣乎然猶有一言可守者曰敬  
以貫乎窮理力行之終始而已居敬以窮理則心不雜  
而道明居敬以力行則心不怠而德立敬義夾持動靜  
交養塗轍無二致功惟一諸生各潛思實體器量當如  
此廣濶志力當荷此遠大倘不負聖賢之教我卽不虧  
君親之成我無忝天地之生我者也學求真得道不虛  
行亦在諸生自勉之而已矣

遂按學校之設實爲人文之藪有關風化之原自古

帝王未有不加意養育極力整飭而能治臻上理英  
賢輩出也茲敬刊臥碑訓飭士子文以示典謨訓誥  
炳若日星士子欽奉無違不患不爲聖賢路上人矣  
昔先君子司鐸泌陽酌定學規以正趨向詳列勸善  
規過條件以昭遷改一時人心競奮士習丕變及講  
學朱陽又復闡明學旨就人生易知易行者明白指  
示見天地君親師爲大本大原之所在學者誠能隨  
在檢默觸處尋繹學問品誼自日進而上人文如何  
不盛風俗如何不厚是在司牧者之善爲鼓舞曲爲  
作興以無負聖治之雅化焉則幾矣

按學宮古栢六株明倫堂喬松兩幹蒼翠蔚勢將蔽天  
考其始則嘉靖時學正高楫手植也曾題句云慚愧儒  
官無寸才聊將小栢補涓埃雖然不比甘棠樹曾向當  
年手自栽

康熙五十二年奉文建立義學五區在城四鄉各一以教  
貧民之無力不能從師者其束脩薪水皆知州捐俸按  
季資給云

武備

魏嘉平三年雍州刺史陳泰求勅并州并力討諸葛恪司馬景王從之未集而雁門新興二郡以爲將遠役遂驚反景王謝朝士曰此我過也非伯元之責 後魏肅宗正光五年八月秀容內附乞扶莫於破郡殺太守南秀容牧子萬子乞真反叛殺太僕卿陸延并州牧子素和婆嶮嶮作亂領民酋長爾朱榮並前後討平之 爾朱榮兵威漸盛曾經肆州刺史尉慶賓畏惡之據城不出榮恨慶賓舉兵襲之慶賓別駕姚和內應榮遂害慶賓僚屬拘慶賓還秀容 唐重洪二年骨吐祿入朔代以

忻州志

卷二

武備

三十一

淳于處平爲陽曲道總管將擊賊總材山至忻州與賊遇慶戰不利死者五千人 晉開運元年正月辛丑北京畱守劉知遠及契丹偉王戰於秀容敗之十一月辛卯忻州言與契丹戰破之關南言破契丹斬首萬餘級 周世宗至太原城下令行營都部署符彥卿與郭從義向訓白重贊史彥超率萬騎屯忻口以拒北援又下孟縣遼人駐忻北游騎及近郊彥超以二千騎當其鋒爲遼人所掩重傷數百人 遼會同七年正月丙子明王安端先入雁門圍忻代下之遼應曆時周人侵漢以南院大王撻烈都統西南道軍援之周已下太原數城

漢人不敢戰及聞撻烈兵至周主遣郭從義尙鈞等率精騎拒忻口撻烈擊敗之獲其將史彥超周軍遁歸復所陷城邑漢主詣撻烈謝 宋宣和七年九月河東言金粘罕至雲中詔童貫復宣撫十二月乙丑貫至太原遁歸是月金兵陷忻代等州圍太原府 元太祖十三年八月木華黎自京入河東克太原平陽及忻代澤潞汾霍等州至正十八年六月關先生掠晉冀雁門間以上載通志 明正統間也先入內轉掠至忻經猫寨爲石巨常射退四十七騎乃引去 嘉靖間套騎數入內地不能遍考其可知者二十二年與三十四年耳蹂躪亦不待

忻州志

卷二

武備

三十二

言矣 崇禎六年正月賊紫金樑亂世王等分股寇掠忻受殘二月二十九日摠兵曹文詔追擊於定襄及賊於壽陽賊潰 八年三月賊高加討出掠明師追至忻代山中虎大威迎射一矢中頂乃殪 十七年二月闖寇自太原來明藩盡逃兵駐忻徵餉於士宦者時州牧楊蒞任甫數月無以應願將生女配富室得聘金以飽賊人不敢娶遂被殺中書盧亮采亦以徵餉故爲賊縊死 五月闖敗西歸州爲僞將柳同春所據兼轄定襄聞

國朝已拔代州等邑同春潰走定襄破堡寨掠婦女地方

多致蹂躪時有別賊賈達者率黨數百人據虎頭山第

一寨出掠民財爲所滅

或云事在順治六年然考六年賊則是姜瓖非柳也當以是年

爲是撫院飛檄招撫同春引衆赴省所掠婦女索錢聽贖

順治五年雲中姜瓖反六年正月戕巡寧道王公於

原平州同馬維熙死於寧武州守劉德琰棄城走賊僞

帥姜建勳入據城襄尹暢悅從賊大中丞俱捕斬之委

陽曲主簿何顯祖署事亦被殺時太原兵少保會鎮不

得進取適滿兵數百人從西安至中臣勞之北拔遂至

忻戰牧馬河上敗退我兵進營西門外約與賊再戰賊

懼開北門宵遁忻遂寧三月建勳復由靜樂西山後取

忻州志

卷二

武備

三十三

汾州

王師卒攻滅之嗣是以來

聖朝德化日隆疆圉鞏固

列聖相承仁風翔洽治躋羲皇之上兵銷日月之光我三

晉士民自祖及孫含哺鼓腹鑿井耕田目不見兵革者

已百有餘年矣

兵防

明

州設民壯三百一十五名

成化間抽義兵四十一名戌喜峯口後改解銀二百五兩

連千百長實二百七十四名

千長二名

部旺西南隅人正統間殺虜有功毛尙志東關人嘉靖三十二年殺虜有功皆受冠帶其

子孫世繼之若千夫長也

百長四名

張志通西南隅人盧茂南呼延人李栢韓嚴人李大資北關人其功不可考亦世繼之若

百夫長也

器械

鞋底甲七十一領

鐵甲三百副

盔三百頂

弓帶絃二百張

箭六千枝

大佛郎機二杆

雙佛郎機二十杆

單佛郎機五十二杆

盞口砲一百九十杆

連珠砲二十位

忻州志

卷二

武備

三十四

湧珠砲二十位

拐子砲一百二十三位

牛腿砲一百八十八位

毒虎砲一十五位

快鎗一千三百一十杆

懸鎗一百九十九杆

三眼鎗二百八十杆

鐵柱木柱三十三箇

鉛子四萬四千三百箇

鐵子五千箇

硝五百二十觔

磺六十四觔

火藥一萬四百五觔

各墩堡器械藥不等不備載

楊維嶽曰兵以衛民無兵地予敵也不練卒予敵也

正統已後郡奉例募民壯丁三百一十五名為義兵

隸於官餼之因其世籍千百長統之聽約束若指臂

焉兵皆有鎧仗守郡者朔望練之不與他役餘日歸農合古寓兵於農之法後抽減四十一名戍邊不知何年改議民壯三年一編蓋憐世籍類於永戍而以此均勞逸耳然皆隴畝之夫目不知兵手不習噐今日民壯明日齊民千百長渙不相聯矣近年又有脩邊之役名隸審編者第於常餼外津貼募代已耳寥寥數十人又時有押護軍需之遣何從操練哉雖有兵猶無兵也巡撫魏公調太原沁州軍卒千餘防秋復以省行糧議撤一旦有倣倉卒莫辦未雨之防恐不可忽也

忻州志

卷二

武備

三十五

國朝

忻州舊無營制於順治十三年奉旨將盤道梁官兵移駐忻州城經制守備一員把總二員馬兵四十名步兵六十名守兵三百名馬四十八匹屬利民路管轄順治十五年奉文調防浙省步兵五十名康熙五年奉裁馬兵六名守兵二十名馬三十匹旋又添撥馬十匹雍正三年請更營制等事案內改歸東路營叅將管轄雍正七年於敬陳管見事案內添設經制千總一員外委把總一員共畱馬兵一十四名步兵十九名守兵二百二十六名雍正十年於請定武職陞選之法等事案內

忻州營守備改爲都司僉書十一年將本營步戰兵十  
名守兵八名從大同鎮換撥馬兵十八名共馬兵四十  
四名步兵七名守兵二百三十六名乾隆元年添設火  
器外委把總一員 分駐定襄縣兵八十三名千總駐  
轄

墩舖

曲家庄

城南十里

麻會鎮

城南二十里

辛興舖

城南三十里

關城鎮

城南四十里

十里舖

城北

二十里舖

城北

泡池舖

城北三十里

部落舖

城北三十里

淤泥舖

城北四十里

金山舖

城北四十里

石壑舖

城北五十里

紅崖子舖

城北五十里

忻州志

卷二

武備

三十六

以上每舖駐兵五名

鴉爾坑舖

東南二十里路通孟縣駐兵五名

牛尾庄

城西九十里路通靜樂駐兵三名

以上十四舖乾隆十年爲奏明請 旨事案內將南

北衝路墩臺全行包磚僻路二汛墩臺四角包磚

共衝僻墩舖一十四汛俱移交營汛管理每年在州庫

領支歲脩銀五十四兩二錢

存貯器械砲位火藥

東城樓貯

威遠砲三十五位

三眼鎗七杆

一眼砲一百四十七杆

穩口砲三十杆

炸砲一百五十杆

滾機鎗五架

鉞斧二十八把

鉛穩口二十顆重三十  
九觔

火藥一甕重一百  
九十觔

火藥罐五十箇

生鐵砲五十位

南城樓貯

威遠大將軍三位

三眼砲五杆

一眼砲一百六十五杆

拐子砲七杆

碗口砲二十八杆

班斧十一把

矩班斧一把

鉞斧六把

忻州志

卷二 武備

三十七

炸砲九十七箇

生鐵砲一位

灰礮一千五百箇

鉛子一百一十五觔

火藥七十六觔十二兩

西城樓貯

威遠砲三位

一眼砲一百七十杆

碗口砲二十八杆

三眼砲五杆

拐子砲三十杆

生鐵砲十六位

生鐵穩口砲二位

炸炮三百七十位

折腰砲二十杆

班斧十把

鉞斧四十把

鐵斧六十把

神機箭三十五把

滾機鎗五架

萬人敵桶十三隻

火藥罐三百箇

鉛子八十觔

生鉛子三百觔

噴桶三十箇

火藥二甕重四百一十觔

北城樓貯

威遠砲一百四十六位

生鐵砲四十三位

折腰砲八十杆

拐子砲十三位

滾機鎗五架

生鐵子一百觔

小車二把

神機箭九枝

萬人敵桶二十隻

三眼砲九杆

忻州志

卷二 武備

三十八

碗口砲二十五杆

一眼砲九十杆

鉛子一百觔

瓦礮八十箇

炸砲一百四十杆

火藥一千五百六十觔

以上器械砲位火藥俱係四門廂長輪年收管

遂按舊志所載概無一存自姜逆變亂忻土復經蹂躪所以器械砲位火藥所貯甚備但年遠日久不無廢壞若夫整飭以壯

國威則干城之選未可忽矣

雍正二年添設民壯五十名以資彈壓雍正十年爲遵旨議奏事案內奉裁十五名實畱民壯三十五名議令學

習武藝果能勤力學習技藝可觀准其拔入營伍等語  
加增工食銀一兩二錢每名歲支工食銀七兩二錢

忻州志

卷二

武備

三十九

驛傳

明

九原驛馬四十九匹騾四十九頭每馬騾各一頭用馬夫一名

楊維嶽云舊制州僉上馬十匹中馬六匹騾三十頭定襄協濟下馬四匹騾四頭嘉靖間巡撫萬 題改本州加派均站召募馬戶四十九名每名季給草料銀六兩四錢工食銀七兩二錢歲共五十四兩四錢定襄不復幫矣

九原遞運所募夫八十一名

忻州志

卷二

驛傳

四十

楊維嶽曰舊制州編牛頭夫一百五十名定襄協濟五十名嘉靖間巡撫萬 改擯夫八十一名每名歲給工食銀七兩二錢車戶計程數給銀每十里腳價銀五分多寡無定額夫車外顧銀赴府給領歲六百兩多存少補張守問行詳減一百兩如不足仍行補領定襄不復幫矣

宿尚謙等曰置郵傳命租庸歲供此國制亦民義也第衝者効力馳驅僻者解銀協濟亦流通之誼當然先年驛所僉編馬騾車夫定襄濟之孔道輪蹄絡驛州民重困比屋逃竄自撫臺萬公調停加派徭站召

募夫役馬騾車夫則計程給銀甲馬甲隸亦募而餽之民胥稱便然定襄遂免協濟郡之徵輸頗增於昔法久弊滋鞭撻需索夫皂有免打錢否則銷剥衣帽馬有惜馬錢以廩糧之折乾也又責飯食否則破脊毀鞍且誣遺失行李車有裝卸錢否則誣盜貨物遇有陳告雖知其僞姑與調停當道洞燭前弊屢行嚴禁而積蠹一時難革守土之吏不敢以聞於上惟恐借口畱難或罹罪也今尚幸承平無事脫羽檄交馳則小民不肯應募里甲之流離將復見矣先憂者似宜軫慮也

忻州志

卷二

驛傳

四十一

國朝

九原驛額馬五十四匹每馬二匹用夫一名額設馬夫二十七名於順治十二年爲一件協濟本可通融等事案內奉裁馬七匹夫三名半係撥徐溝縣同戈驛四匹樂平縣栢井驛三匹康熙四十九年爲一件詳請量減等事案內奉撥協北路王官人屯塘馬七匹馬夫三名半雍正五年爲一件敬陳管見事案內奉裁馬七匹夫三名半又於乾隆十年爲詳請站馬就近責成管理等事案內撥協朔州南關塘馬八匹夫四名現在本驛實存馬二十五匹夫十二名半馬每匹日支草料棚廠鞍屨

等銀九分八毫夫每名日支工食銀三分  
九原遞運所額設所夫八十一名順治十二年爲一件協  
濟本可通融等事案内裁夫五名雍正三年爲一件遵  
旨另行詳議事案内裁夫二十六名雍正六年爲一件敬  
陳管見等事案内裁夫二十名現在實存夫三十名每  
名日支工食銀二分五厘

遂按九原驛當晉北孔道差事繁多南至陽曲縣成  
晉驛八十里北至崞縣原平驛八十里前差未返後  
差繼至絡驛不絕夫少馬疲司土者每額外喂養騾  
頭以資遞送至工料之溢費夫馬之勞憊固有所不

忻州志

卷二

驛傳

四十二

暇計也

舖遞

在城總舖一 舖兵五名

南路舊站舖 離城十里

麻會鎮舖 離城二十里

臥牛灣舖 離城三十里

北路五里舖

十五里舖

雲中河舖 離城二十五里

部落舖 離城十五里

金山舖 離城十五里

界河舖 離城十五里

以上每舖設舖司兵四名

東路段家庄舖 離城十里舖兵三名

西路合索鋪離城三十里

三交鋪離城十里

牛尾庄鋪離城九里

以上三鋪係雍正八年經靜樂縣詳請添設每鋪鋪兵各二名共工食出之靜樂縣非本州額設也

古蹟

忻口故城北五十里相傳漢高祖自平城還駐此築城

新興故城南二十里漢末築一名建安城址存一載平定

州志

肆州故城西北五十里河營村東南後魏時建址存隋立

秀容縣隸州治

北恆州城唐志武德八年以蔚州寄治忻州秀容之北恆州城按北魏志天平二年恆州常寄治秀容郡城

平寇故城東十五里故郡鄉隋志後齊置平冠開皇十年廢

忻州志

卷二 古蹟

四十四

北羅城西北五十里高都南五十里

六郎城南四十里石嶺關北宋楊廷昭駐兵地址存

孟良城西北七十里蒲閣寨東又雲內口東有教場址存

新興故郡舊唐志義旗初置領秀容一縣武德元年改爲

忻州

秀容故縣西北五十里卽所謂南秀容也後魏肆州治此

文獻通考卽積粟所在謂之羊腸倉後周徙州治雁門

隋立秀容縣明洪武九年省入忻州北魏志秀容縣有

秀容城

肆盧故縣北魏志肆盧縣治新會城真君七年併三會隸

焉卽肆盧城也又北魏肆盧縣有臺城大邗城舊志西  
北五十里肆盧川土人名四六奇村

敷城故縣北魏志隸秀容郡始先初置郡真君七年改爲  
縣

銅川故縣隋置隸秀容郡開皇初置大業初廢

懷化故縣唐志貞觀五年以思結部落於秀容縣境置懷  
化縣隸順州十二年隸代州後省

公孫里金何師常公孫厚土祠記云迄今九原以公孫爲  
里而有三社又北門外有貿兒溝相傳嬰杵臼易孤處  
九原故墟元遺山天慶觀記吾州跨西岡而城岡占城之

忻州志

卷二 古蹟

四十五

半是爲九龍之原檀弓志晉大夫之葬直謂之九原水  
經謂滹沱經九原城北流此其地也金何常師公孫厚  
土祠記今之九原卽趙氏田邑檀弓晉獻文子成室篇  
疏曰九京卽九原文子世家舊墓地也或云在襄陵乃  
武之後非武之先隋精道寺碑云地連三晉城帶九原  
盧君竊號之邦趙氏言歸之地史遷以爲南并北代非  
此何謂焉

赤塘谷西五十里白馬山谷昔劉赤塘隱此故名唐志有  
赤塘關

美良川西五里相傳太宗與秦瓊敗尉遲恭處今名三澗

溝按聞喜縣有美良川

薛雲谷在繫舟山五代時薛雲居此因名

元德明讀書處在繫舟山東巖趙秉文詩山頭佛屋五三  
間山勢相連石嶺關名字不經從我改便稱元子讀書  
山又遺山詩從此晉陽方志上繫舟山是讀書山

畱月軒金元好問建詩云丈室何所有琴一書數冊閉門  
無車馬明月卽佳客

桂軒金王萬鍾有題元氏桂軒詩

野史亭南十里韓嚴村元遺山纂金史築亭

白鶴觀治西九龍岡上元遺山天慶觀記始爲七聖觀創

忻州志

卷二 古蹟

四十六

自唐天寶間其後有白鶴之異改白鶴觀宋祥符間又  
改爲天慶觀每歲二月望道家云是老君誕日及期有  
鶴降此多至十數翔舞階庭三日乃罷予兩見之特亂  
後不至耳因爲招鶴謠並刻之石明萬曆間州城工竣  
仲春月望羣鶴復集魏允貞詩云誰知三百年來後又  
覩聯翩下碧雲

凌雲臺在東門外磨臺上元李中立詩誰見凌雲清况處  
夜涼空翠濕欄杆

犬塏在張家烟梁相傳昔有人醉臥畜犬隨之俄而火作  
犬以身就水濕草滅火狂奔乏絕主生而犬斃主就其

地築塋墓焉

陳豨獄在西門內迤北漢錮陳豨於此址存

唐靈顯王廟碑在獨擔山頂貞觀中命薛遵度採雲母封

山神爲靈顯王建廟立碑

宋神宗辟雍詔碑郡舊學址剝碑尚存按詔中稱神考又云元祐學術悉禁非神宗詔也詔後序書崇寧元年以徽宗爲正

金脩天慶觀功德碑元好問撰文中云能知雄水筆極風濤起伏之變有蜀兩孫之風張不淳天蓬四聖毛髮生動威重可怖號爲河東名筆

忻州志

卷二

古蹟

四十七

金廟學記碑徐州姚孝錫撰

元遺山墓銘在秀容先塋元翰林侍讀學士郝經撰文  
以上載通志

屠岸賈城忻口北

屠岸賈洞在劉家溝相傳通定襄古城

僊洞窰一南北虎頭山下一遊邀黃堂巖畔皆險邃可避兵

僊人洞福田寺左相傳通平山縣產瑪瑙石內有遺蛻二長丈餘髑大如斗

勞師臺治南二十里趙武誅屠岸賈勞師於此

以上載舊志

唐代宗子李造大曆十年封忻王

明定安王朱成鱗代隱王仲子成化二年自大同析封定安王建府於州治東卒謚悼隱二世聰濬封鎮國將軍三世俊程封輔國將軍管理府事坦夷簡質有古人風四世克燭封奉國將軍管理府事醇篤無僞五世廷埽鎮國中尉六世鼎餽輔國中尉督脩文廟七世鼎湏奉國中尉八世燧林輔國中尉按藩府第共七東門內龍王廟西卽定安王府故址也其餘一在牢墻後一在射圃東一在宿家巷路南一在大街西巷一在大街路東

忻州志

卷二

古蹟

四十八

一在大街路西及聞闖賊將至與太原王府同日俱燬其家屬變姓易名爭相逃匿自是悉爲民居矣

倉儲

常平倉廩六座共計二十四間

在州治東

一件請援直隸等事案內分貯穀五千五百九十四石

八斗八合三勺七抄一撮一圭九粒九粟

一件欽奉

上諭事案內捐輸穀六千四石六斗三升六合二勺九抄

六撮九圭七粒一粟

一件奏

聞事案內捐買穀六千二百六十六石二斗三升一合八

勺一抄八撮一圭八粒二粟

忻州志

卷二 倉儲

四十九

一件密陳管見等事案內採買穀二千一百八十石六

斗六升八合一勺一抄八撮五圭三粒四粟

一件遵

旨議奏事案內捐穀一千六十九石二斗

一件酌議採買等事案內採買穀四千八百八十六石

九斗八合七勺八抄六撮五圭三粟

一件遵

旨速議具奏事案內俊秀陳祥龍捐監一名交穀一百石

九斗八升

以上每年出陳易新春借至秋加息還倉如遇灾侵

等事秋後免其加息如數還倉

乾隆十年十一月內奉文撥運定襄縣散賑所動過一件請援直隸等事案內穀五千石

以上各案倉貯京倉斗共穀二萬一百六十三石四斗三升三合七勺九抄一撮三圭八粒九粟

乾隆十一年奉文借運嵐縣存貯倉米一千二百八十石

社倉六處係欽奉

上諭事案內里民捐輸俱就近在各村庄寺廟內存貯每年輪流社長總約經理其事

忻州志

卷二 倉儲

五十

本城藏經閣貯穀一千二百一十六石四斗八升八合

東鄉北胡村貯穀一千零五斗九升一合

南胡村分貯穀三百八十八石八斗二升

南鄉韓嚴村貯穀一千三百零五石五斗一升六合

西鄉竒村貯穀一千七百零七石三斗八升六合

北鄉金山鋪貯穀一千六百一十八石二斗一升九合

以上共貯穀七千七百三十五石一斗二升

公廨

都察院 在治西久廢雍正元年改建節孝祠

察院 在治西今廢

布政司

按察司 俱在治後街俱久廢

州治 在東門街宣化坊明洪武初建

典史署 在治西

旌善亭 在儀門東久廢

鄼侯祠

預備倉 俱在儀門東

忻州志

卷一 公廨

五十一

申明亭 在儀門西

迎賓館 在儀門西久廢

都司僉書署 在州治西

九原驛 在南門內二星坊街今裁驛丞馬歸州管廠在儀門東

九原遞運所 丁字街東久廢

儒學署 附文廟

陰陽學 在儒學東久廢

醫學 在十字街南之東久廢

僧正司 明在興國寺今在關帝廟

道正司 在天慶觀今名白鶴

養濟院 在西門內

草場 舊在儀門西後移西岡上舊學址今久廢

演武場 在南門外東

公館二 一在忻口堡一在石嶺關今久廢

官亭二 一名觀風在南郭外一名迎節在北郭外已久廢

燕喜亭 在南城上

普濟堂 在南郭外雍正二年奉 旨建立其中畱養老病  
之人所費係州捐給

水利

牧馬河渠

牧馬河發源州西南白馬山至牛尾庄合諸水出州境東南流入定襄境

紫巖渠

蕭村渠

鴉樹渠

王名渠

石莊渠

看鶴渠

南渠

東渠

西渠

小西渠

楊庄渠

義井渠

莊兒渠

長畦渠

東渠

小西渠

樓村渠

西渠

南渠

小西渠

東渠

王府渠

西渠

中渠

忻州志

卷一

水利

五十三

太延渠

南關渠

上渠

中渠

下渠

曲庄渠

白石渠

野場渠

郝村渠

南渠

段莊渠

魏家渠

以上共渠三十六道胥由牧馬河引水

牧馬河水由白石村折東經紫巖村南蕭村東樓村石

家庄南胡村令歸村楊家庄南義井北胡村傅家庄西

樓村故郡村安邑村曹村段家庄魏家庄太延村至南

關廂外七里又經王家庄曲家庄樊家野場十里堠村

郝村共二十三村溉地四百四十三頃有奇

雲中河渠

雲中河源出州西北岱嶽殿山底近河村庄胥引之

索家前渠

索家後渠

野場渠

解原渠

小河渠

沙窠渠

棗澗渠

西渠

官渠

河管渠

部落渠

北趙渠

泡池渠

以上共渠十三道胥由雲中河引水

雲中河水經小智村六石村盧家野場解原村石家庄沙窠村棗澗村頓村河管村管村部落村北趙村泡池村尹村共十四村溉地六十頃有奇

忻州志

卷二 水利

五十四

滹沱河渠

滹沱河發源繁峙縣泰戲山經崞縣至忻口東折入定襄縣境

王府渠

新渠

金山渠

以上共渠三道胥由滹沱河引水

滹沱河水經白村高村金山舖共三村溉地二十七頃有奇

忻州共渠五十二道溉地之法有接鍬使水者有分工使水者渠長司之以次輪溉無得爭越

舊志滹沱水在平刑關山經東崞之東南流合沙河入境資灌其利溥

沙河源出崞經忻口東入滹沱河

鵠索河在合索村南二里溉田六頃

海滿泉源出嘉禾溉稻田十餘頃南入雲中河

前山泉在南營屯溉稻田十頃有奇

渾水泉昔資灌溉後涸

三十五渠 南關渠 王家庄渠

曲家庄二渠 楊泗渠 樊家野場渠

故郡二渠 石家庄二渠 楊家庄渠

習村二渠 義井二渠 南蕭村渠

北蕭村渠 東樓村渠 西樓村二渠

真檀渠 令歸二渠 北胡四渠

忻州志

卷二

水利

五十五

南胡二渠 郝村渠 安義渠

韓巖渠 紫巖渠 雙堡渠

以上胥在州東南引牧馬河水

三十二渠 二十里舖二渠 郭村渠

泡池渠 大儀渠 河管渠

頓村二渠 西播明渠 呂令渠

曹張渠 解原渠 奇村渠

北太平渠 白村渠 部落二渠

楊村渠 大郡渠 高池渠

北新庄渠 吳家庄渠 淤泥渠

平張渠

治村渠

解村渠

尹村渠

六石渠

盧家野場渠

逯庄渠

北趙渠

檀村渠

以上胥在州西北引雲中滹沱河水

東十里堠渠牧馬雲中水胥可引

明知州楊維嶽開水渠三十五道

以上載通志

遂按忻郡水利南資牧馬北引雲中而滹沱河會於定襄境上茲依通志所載備錄於冊亦可以見其大凡矣至考其溉地之法有接鍤使水者有分工使水者渠長司之以次輪溉無得爭越舊規相沿行之已

忻州志

卷二

水利

五十六

久無容更易何者水勢遷徙靡常人工勤怠互異倘自西而東限以接水之先後則渠長既無以稽其接鍤分工之程而奸狡強梁之徒從中滋弊日相競爭畧無寧息此所以遷就目前之變計不如因仍故轍之爲得也行者讓路耕者讓畔獨非盛世之民乎是在司土者躬行化導禮義相先因時制宜各得其平又何患水利之不均仁政之難暨哉

物產

穀屬

黍 稷 大麥 小麥 蕎麥

粟 菽 糜 梁 青豆

黃豆 莞豆 扁豆 小豆 菘豆

蜀秫 芝蔴

蔬屬

葱 蒜 韭 茄 芹

芥 莧 菠 白菜 葫蘆

瓠子 茼蒿 蔓菁 萵苣 苦苣

忻州志

卷二 物產

五十七

胡蘿蔔 白蘿蔔 山藥 薇 蕨

梅豆

果屬

梨 棗 杏 桃 李

柰 榛 秋果 葡萄 核桃

柿

木屬

榆 柳 桑 槐 椿

楸 松 栢 榿 樺

楊

藥屬

甘草 黃芩 麻黃 蒼朮 荊芥

柴胡 屮麻 遠志 細辛 牽牛

車前子 益母草 芍藥 地骨皮 知母

薄荷 防風

花屬

牡丹 芍藥 秋葵 匾竹 石榴

石竹 菊 紫荊 萱草 月季

鳳僊 金盞 水紅 迎春 鷄冠

蝴蝶 蜀葵

忻州志

卷二 物產

五十八

禽屬

鷄 鴨 鴿 燕 雀

烏 班鳩 雉鷄

獸屬

牛 羊 豬 馬 騾

驢 犬 猫 兔 狐

鼠

楊維嶽曰郡寒早燠遲不宜綿地沙不宜麻泉城不宜桑柘小民家徒壁立者十九一應資用皆以粟易而水鮮少待命於天歉則逃亡離散良可隱惻重新

等都斥鹵僅產微鹽貧人煎貿藉以衣食賦稅舊格於例發太汾票三千張嗣有以繭絲迎者請益二千人搜戶括膏血爲枯矣 民不識機杼歲市布萬餘金或議請教紡織諭郡民謂前守王君守成取榆次老婦教織民不樂從遷秩而竟廢詰其故蓋緣民少蓄婢中饋多自主之廢饋而營織不暇也貧家偶耕饁餉以耕而兼織不能也卽有一二欲嘗試者市民以不能工止覓客布彼一之不售豈肯再乎是亦一說也雁平道永清張公亦曾教織未幾報罷大率類此惟教之無倦當其賦入乃有成績耳 郡山多石

薪木絕少石炭南資陽曲北資元岡數日始得往返元岡路遙崎嶇隆冬尤苦之徃徃人牛僵仆此他邑所無之艱也衆謂東西南山亦產石炭苦不能識因募陽曲窑戶令開鑿售鬻皆言頑石無炭避去設有盜警積薪當慮耳

遂按忻郡土滿人稠耕農之家十居八九貿易商販者十之一二惟機杼紡績之聲無聞焉邇年來家有餘丁多分赴歸化城營謀開墾春季載耒耜而徃秋收盈橐囊而還予初至恐其遷徙靡定也後訪得其實乃知人烟輻輳食指繁多分其少壯於口外實養

其老弱於家中也至土物地產悉屬日用常需之物  
不拘美惡莫不重加珍惜曾未肯稍致暴殄者不貴  
異物賤用物忻人有焉

風俗

太原府志

忻州氣稟剛勁健訟輕生刁野難治

黨承志曰舊志云民性質朴風氣剛勁善治生多藏蓄又曰人多質實士尚文雅通典云山西土瘠其人勤儉今考之實不相遠邇來儉入奢直趨狡居服競尚奢靡禮節多務炫燿先進淳朴之風蔑如若文風浸盛武事亦閑鄉曲和洽閭閻謹嚴是則可書無復從前陋習矣

楊維嶽曰郡邊狄地寒物產稀少民貧而嗇與省會

忻州志

卷二 風俗

六十一

雁門頗殊卽藩室亦儉約相尚非若汾蒲之競靡也相傳畦菜舊亦無之黨所云儉入奢者其然乎俗多事淫賭尚氣輕生奸人魚肉良善頑民慣逋賦稅緇黃作姦惡少羽翼之尤爲敝習若冠紳恬然自守蚩愚利之不庸有足多焉

周人龍曰予始官屯畱省南無事偶往來省中見士大夫與同官之賢而久者言晉省繁難地必推忻匪地繁難且刁健不易治後調太原之清源適攝篆靜樂例謁州大夫見其城池雄壯人民紛沓疑向之所謂難治者或不虛也雍正六年六月陞授忻州竊意

繁劇之郡未易爲理何期畧施勸諭懲戒之法其吏民卽怙然若久於其上而安之者輸納不苛責而賦入最訟獄不爲狡變遇有公事欣欣趨赴受值而去無怨咨紳衿尤兢兢凜法度公謁外無私請干瀆迄今三年廳事雖不張羅而烏雀亦時時噪呼其中噫是何忻民之悍於昔而良於今與予菲材謏治必不能化之若是其速其殆忻之風俗原非刁健難治而向之所聞者有未確也信乎楊公之言曰冠紳恬然自守蚩愚利之不庸誠有足多者矣爰志於末以告來者

遂按聲教所漸被爲風閭閻所習染爲俗遇循良之吏鄙野可化爲禮讓遇貪殘之輩淳良亦入於澆凌非民之果有異也亦上之感之化之者不同耳繁劇如忻郡舊志載氣質剛勁長民者誠能因其氣質之偏而明之以禮講之以讓又何患剛勁之概不變爲和平之象乎又曰健訟輕生長民者果能漸之以仁摩之以義而爲政爲教一出於誠懇不欺又何患健訟之不終歸於無訟輕生之不悉返爲愛身乎曾何刁野難治之有耶予自蒞任以來體察民情誘之以善則欣然樂從懲之以法則凜然知懼是比戶質朴

猶有太古之遺規也考驗士習先達貴顯以閉戶爲高青衿子弟以誦讀相尚是詩書禮教不失先聖之矩範也勤撫字而輸將恐後惡公務而奔走爭先是上有所好而下無不從也豈非刁野之習自上召之而致治乏術遂稱爲難治哉昔子路治蒲請見於夫子曰由願受教於夫子子曰蒲其如何對曰邑多壯士又難治也子曰吾語爾恭而敬可以攝勇寬而正可以懷彊愛而恕可以容困溫而斷可以抑奸如此加之則政不難矣子路奉行三年治象卓然聲施後世於今爲烈夫天下豈有難治之郡邑而郡邑之弊

政陋習豈竟有一經錮蔽而不可轉移者是在賢守良牧察乎利弊之所在因時措之而各得其宜耳庶乎移風易俗存乎其人慎毋囿於風氣之偏拘於習俗之陋而不知變也夫